

PSB - Bahagian Arkib

From: UUM CORPORATE COMM.
Sent: Sunday, 1 December, 2019 11:34 AM
To: UUM - All Staff; UUM - All Students
Subject: Kem Pemantapan Jati Diri Uji Ketahanan Fizikal Dan Mental Pelajar Asasi



UUM Corporate Comm.
Universiti Utara Malaysia

1 DISEMBER 2019 / 4 RABIULAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nur Shazwani Shariffudin
Gambar oleh: Pusat Asasi Pengurusan

KEM PEMANTAPAN JATI DIRI UJI KETAHANAN FIZIKAL DAN MENTAL PELAJAR ASASI



UUM ONLINE: Bagi menguji jati diri dan ketahanan fizikal pelajar Program Asasi Pengurusan Sesi 2019/2020, Kem Pemantapan Jati Diri Pelajar telah diadakan selama tiga hari di Kem Dato' Ariffin Mohd Nam, Pusat Kokurikulum, Jabatan Pendidikan Negeri Perlis, baru-baru ini.

Kem anjuran Pusat Asasi Pengurusan (PAP) itu disertai 120 pelajar terpilih terdiri EXCO dan Ahli Jawatankuasa Persatuan Pelajar Asasi Pengurusan.

Pengarah Pusat Asasi Pengurusan, Prof. Madya Dr. Munif Zarirruddin Fikri Nordin berkata, objektif program itu adalah untuk membentuk jati diri peserta supaya lebih berdisiplin dan memupuk semangat yang kental dari segi mental dan fizikal.

Menurutnya, program ini juga bertujuan untuk melatih peserta mengamalkan sikap keterbukaan, semangat kerja berkumpulan dan komunikasi yang efektif dalam kehidupan seharian.

"Pelajar perlu mempunyai sahsiah diri yang terpuji selain daripada mencapai keputusan yang cemerlang dalam akademik. Hidupkan Pusat Asasi Pengurusan dengan keceriaan dan kasih sayang.

"Melalui aktiviti ikhtiar hidup pula, peserta mempamerkan kehebatan dan kebolehan menyediakan makanan dalam keadaan serba kekurangan seperti menggunakan kayu api untuk memasak kuih ketayap, mengupas kulit kelapa menggunakan parang dan memarut kelapa dengan menggunakan kaedah tradisional.

"Selain itu, semua peserta juga diberikan pendedahan mengikuti aktiviti-aktiviti fizikal seperti *flying fox*, *orienteering* dan kawad kaki, selain mendengar ceramah pembinaan jati diri, pengurusan organisasi dan perkongsian pengalaman bersama penceramah jemputan," katanya.

Peserta, Mohd Shuib Rosli yang juga EXCO Kebajikan Persatuan Pelajar Asasi Pengurusan Sesi 2019/2020 berkata, program tersebut banyak mengajar erti kerjasama, disiplin dan keberanian dalam melakukan sesuatu perkara.

"Saya merasakan hubungan persahabatan antara pelajar Asasi semakin erat dan lebih memahami antara satu sama lain kerana kami tidak dibenarkan menggunakan telefon bimbit sepanjang aktiviti kem berlangsung," katanya.

Program itu turut dimeriahkan dengan persembahan peserta pada Malam Kebudayaan yang bertemakan 'P. Ramlee'.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.